

**I. ATALA****BIZKAIKO LURRALDE HISTORIKOKO FORU ADMINISTRAZIOA****Bizkaiko Foru Aldundia****Ekonomi eta Lurralde Garapena Sustatzeko Saila**

Bizkaiko Foru Aldundiaren 190/2018 FORU DEKRETUA abenduaren 26koa. Honen bidez, Enpresa Berritzaileak Sortzeko Programaren oinarri arautzaileak eta deialdia onesten dira, 2019. urterako.

Bizkaiko Foru Aldundiko Ekonomi eta Lurralde Garapena Sustatzeko Sailaren xedea Bizkaian aberastasuna eta kalitatezko enplegua sortzen laguntzea da, Bizkaiko enpresen artean lehiakortasun iraunkorra eta nazioartekotzea sustatuz eta, aldi berean, gure lurraldearen garapen orekatua erraztuz. Estrategia integral bat jarri da martxan horretarako, bost jarduketara ardatz hauetan oinarritua: kanporako proiektzioa, ekintzailtza, industria eta lehiakortasuna, talentua, eta lurraldeen arteko oreka.

Egungo enpresen lehiakortasuna eta enpresa berrien sustapena funtsezko osagaiak dira Bizkaiko ekonomiak egun dituen erronkei aurre egin ahal izateko, batez ere lana sortzeari eta lanari eusteari begiratzen badiegu.

Garrantzizko industria-ehun bati eutsiz, hazkundean oinarritutako ekonomiarantz bideratutako eraldaketa sakon bat izan du Bizkaiko ekonomiak azken hamarkadetan, sektore finkoa du zerbitzu aurreratuetan, eta, aldi berean, apustua egin du goraka doazen etorkizun oparoko sektoreetan dibertsifikatutako ekonomia baten alde.

Bizkaian enpleguaren sorrera eta industria- eta enpresa-sarea sustatzeko xedearekin -eta, beraz, aurrerapen ekonomiko eta soziala lortzeko xedearekin-, Bizkaiko Foru Aldundiak laguntza ematen die lurralde horretan garatzen diren eta helburu horiek dituzten programei.

Ekonomi eta Lurralde Garapena Sustatzeko Sailak enpresa berriak eta, batez ere, berritzaileak Bizkaian aberastasuna eta enplegua sortzea bermatzeko funtsezko tresna gisa sustatzeko duen konpromisoa argi eta garbi azaltzen da Enpresa Berritzaileak Sortzeko Programa honetan, hain zuzen ere. Enpresa berritzaileen sorkuntzarekin batera, Bizkaiko garapen ekonomiko eta sozialerako funtsezko alderdiak dira hala enpresen hazkundearen azelerazioa sustatzea, nola lehendik dauden enpresetan barne-ekintzailtzeko proiektuak garatzea.

Gure lurraldeen garapena eta hazkundea ahalbidetuko duen enpresa-ehun dinamiko, sortzaile, berritzaile eta iraunkorra izatearren, Bizkaiko Foru Aldundiak sendotu egiten du enpresa-proiektu berriak garatzearen alde egiten duten enpresa eta pertsonekin duen konpromisoa.

Hori dela eta, Ekonomi eta Lurralde Garapena Sustatzeko Sailak Bizkaian enpresa berritzaileak sustatzeko programa zehatz bat garatu behar dela uste du, 2019ko ekitaldian, Enpresa Berritzaileak Sustatzea izeneko, hain zuzen ere.

Enpresa berritzaileak sortzeko laguntza emateko jardueri dagokienez, Ekonomi eta Lurralde Garapena Sustatzeko Sailak egindako ahalegina indartu egiten da Beaz, S.A.U., Seed Capital Bizkaia, S.A., eta Seed Capital Bizkaia Mikro, S.A., sozietate publikoek sustatutako jardueri esker.

Aurrerapen ekonomikoa eta soziala lortzeko, Bizkaiko Foru Aldundiak ezinbestekotzat jotzen du emakume eta gizonen benetako berdintasuna lortzeko aurrerapausoak ematea, eta, bide horretan, hainbat urte daramatza berdintasunaren arloan lanean. Bizkaiko Emakumeen eta Gizonen Arteko Berdintasunerako V. Foru Planean 2016-2019 eperako diseinatutako estrategiak eta jarduketak biltzen dira, arlo horretan sortzen diren erronkei erantzun ahal izateko.

Gainera, Bizkaiko Foru Aldundiak Bizkaiko Emakumeen eta Gizonen Berdintasunerako Foru Planaren esparruan berdintasunerako politikak ezartzeko hartu duen konpromisoarekin bat, eta genero-ikuspegia Enpresa Berritzaileak Sortzeko programan sartzeko, foru dekretu honetan genero-ikuspegia jasotzen da, bai hura prestatzeko orduan bai haren apli-



kazioan, Emakumeen eta Gizonen Berdintasunerako otsailaren 18ko 4/2005 Legean ezarritakoarekin bat. Gainera, kontuan hartu da Bizkaiko Foru Aldundiaren 2013ko azaroaren 19ko 141/2013 Foru Dekretuan xedatutakoa, zeinaren bidez finkatzen baitira generoaren eraginaren aurretiazko ebaluazioa egiteko jarraibideak, Emakumeen eta Gizonen Berdintasunerako 2005eko otsailaren 18ko 4/2005 Legean ezartzen den moduan. Eta, ildo horretan, «Generoaren eraginaren aurretiazko ebaluazioari buruzko txostena» gehitu da dekretu honen tramitazioan, 141/2013 Foru Dekretuaren 2. artikuluan aipatzen denarekin bat.

Era berean, Emakumeen eta Gizonen Berdintasunerako ekainaren 20ko 4/2018 Foru Araua onetsita, foru dekretu hau egitean kontuan hartu da foru arau horretan ezarritakoa.

Horrez gainera, dekretu honen garapenean gizarte-neurriak ezarri dira, Bizkaiko Foru Aldundiaren otsailaren 27ko 16/2018 Foru Dekretuan ezarritakoa kontuan hartuta. Foru dekretu horren bidez, batetik, Bizkaiko Foru Aldundiaren martxoaren 23ko 34/2010 Foru Dekretuaren bidez onartutako Diru-laguntzen Erregelamendua aldatzen da, Foru Administrazioak emaniko diru-laguntzen araubide juridiko orokorra arautzen duen maiatzaren 31ko 5/2005 Foru Araua garatzen duena; eta, bestetik, Bizkaiko Foru Aldundiaren diru-laguntzetarako prozeduretan klausula sozialak, ingurumenekoak eta beste politika publiko batzuei buruzkoak sartzeko gida onartzen da.

Halaber, izapidetzean printzipio hauekin bat jarduten da: beharrezkotasuna eta eraginkortasuna, proportzionaltasuna, segurtasun juridikoa, gardentasuna, lastertasuna eta efizientzia, eta kontuak ematea. Izan ere, hala ezartzen du Bizkaiko Foru Aldundiaren urtarrilaren 17ko 2/2017 Foru Dekretuak — haren bidez, Bizkaiko Foru Aldundian xedapen orokorrak egiteko prozedura arautzen da — 3. artikuluan, eta Administrazio Publikoen Administrazio Prozedura Erkidearen urriaren 1eko 39/2015 Legearen 129. artikuluan.

Horrenbestez, ekonomi eta lurralde garapena sustatzeko foru diputatuak proposatuta eta Bizkaiko Foru Aldundiko Gobernu Kontseiluak 2018ko abenduaren 26ko bileran eztabaidatu eta onetsi ondoren, honako hau

XEDATZEN DUT:

I. TITULUA

XEDEA, PERTSONA ETA ERAKUNDE ONURADUNAK

1. artikulua. — Xedea

Foru-dekretu honen xedea da 2019. urteko Enpresa Berritzaileak Sortzeko Programaren barruan jasotako diru-laguntzen oinarri arautzaileak eta lehen deialdia onestea. Laguntza horiek Bizkaiko enpresa berritzaileen sorkuntza sustatu eta finkatzeko sortu dira.

Programa honen bitartez, helburu hauek lortu nahi dira:

- Enpresa-proiektu berritzaile berriak martxan jartzen laguntzea. Proiektu horiek dibertsifikazio-jarduera eta teknologia berriei buruzko jarduera berriak ekarri behar dituzte Bizkaiko enpresen sarera. Proiektuok balio erantsi handia eta hazteko ahalmena izan behar dute.
- Pertsona ekintzaileei erraztea enpresa berria abiarazteko informazioa eta laguntzak; horretarako, enpresa bat abiarazteko diru-laguntzei buruzko informazioa eta behar diren laguntza eta aholkua emango zaizkie.
- Barne ekintzailetza bultzatzea prozesu egituratuaren bidez, prozesuok bide eman behar diete enpresei, euron gaitasunak zabaltzeko; horretarako, negozio-unitate berriak sortuko dituzte, eta sustatuko dute entitate osatzen duten pertsonen talentu ekintzailea.
- Enpresen hazkunde azeleratzea, jarduera ekonomikoa sortuta; horretarako, hazteko ahalmen handia duten proiektuak sustatuko dira, enpresen beharrezko zehaztetara egokituta.
- Jarduerak egitea, testuinguru sozial, kultural eta ekonomikoan eta ezagutzan jardunez. Arlo akademikoan eta teknologikoan, enpresa berriak sortzearen aldeko sentsibilizazioa zabaltzea.



- Jarduera ekintzailea sustatzeko sistemaren eta berrikuntza- eta zientzia-sistemaren eragileekiko lankidetzaren sustatzea; izan ere, eragile dira ideia berriak eta enpresa berri bihurtzeko proiektuak sortzeko.

Beaz, S.A.U., foru sozietate publikoak aholkuak emango dizkie lagundutako pertsona edo entitate sustatzaileei, enpresa-proiektu berritzaileak aztertzen, abian jartzen, finkatzen eta azeleratzen ari direnean.

Beaz, S.A.U., sozietateak Cedemi, Ezkerraldeko Enpresak Garatzeko Zentroa, S.A., enpresaren laguntza izango du.

Enpresa Berritzaileak Sortzeko 2019ko Programa bi jarduera-arlo hauen bidez gauzatuko da:

- 1. arloa: Enpresa-proiektu berritzaileak garatzea.
- 2. arloa: Enpresa berritzaile berriak.

2. artikulua. – *Pertsona eta erakunde onuradunak*

1. 1. arloan

- a) Enpresa berritzaile berrien sustatzaile diren pertsona fisikoak.
- b) Enpresa berritzaile berriak, EJZn alta eman gabeak badira edo haien EJZko altaren lehenengo data 2017ko urtarrilaren 1a edo 1az gerokoa bada.
- c) Enpresa berritzaile berrien sustatzaile diren enpresak (berriak ez direnak), eskabideak aurkezteko epea bukatzen denean, gutxienez, 7 lanpostu dituztenak.
- d) Negozio-unitate berrien sustatzaile diren enpresak (berriak ez direnak), eskabideak aurkezteko epea bukatzen denean, gutxienez, 7 lanpostu dituztenak, beti ere Beaz, S.A.U.-kin batera barne ekintzaitzarako diseinatutako proiektuen emaitza badira.

2. 2. arloan

Enpresa berritzaile berriek, baldin eta EJZko altaren lehenengo data 2017ko urtarrilaren 1a edo 1az gerokoa bada, eta, eskabideak aurkezteko epea bukatzen denean, gutxienez, lansaio oso baliokideko lanpostu 2 badituzte.

3. *Horrez gainera, aurretik aipaturiko pertsona eta entitate onuradunek honako baldintza hauek bete beharko dituzte*

- a) Sozietatearen helbidea, zerga-helbidea eta ekoizpen-zentro bat Bizkaiko Lurralde Historikoan izatea edo hartan erroldatuta egotea.
- b) Entitate onuraduna izateko ezinbestekoa bada enplegu-kopuru jakin bat izatea, lansaio oso baliokidea duten bi lanpostu izan beharko ditu, gutxienez, Bizkaiko ekoizpen-zentroari atxikita, eta Bizkaian egin beharko dute lana.

Kontratututako pertsonen gain, plantillakotzat joko dira enpresaren jarduerari atxikita dauden baina euren izaeratik Gizarte Segurantzaren Araubide Orokorrean alta emanda egon ezin duten langile autonomoak.

Horrenbestez, langile bat enpresaren jarduerari atxikitako langile autonomotzat jotzeko, enpresa horren nomina izan beharko du edo autonomoen ordainagiria enpresak ordaindu beharko dio.

- c) Enpresa kasuetan, merkataritzako sozietate moduan edo kooperatiba moduan eratuak izan behar dira.
- d) Zerga betebeharrak, Gizarte Segurantzarekikoak eta diru-laguntzak itzultzearen ondoriozkoak eguneratuta edukitzea.
- e) Sexuaren ziozko bereizkeria dela-eta zigor edo administrazioaren arloan inoiz zehapenik jaso ez izana.
- f) Foru administrazioak ematen dituen diru-laguntzei buruzko maiatzaren 31ko 5/2005 Foru Arauaren 12. artikulua ezarritako ezein egoeratan sartuta ez egotea.



Baldintza guztiak bete behar dira eskabideak aurkezteko epea bukatzen denean, ordainketak egiten diren unea arte mantendu, eta maiatzaren 31ko 5/2005 Foru Arauko 12. artikuluan ezarritakoaren arabera kasu bakoitzerako zehazten diren inguruabarrak gertatzen direnean ere eutsiko zaie (arau horrek Foru Administrazioak ematen dituen diru-laguntzen araubide juridiko orokorra arautzen du) eta baita Diru-laguntzen erregelamendua onesten duen 34/2010 Foru Dekretuaren 13tik 17ra arteko artikuluek diotenaren arabera.

Enpresa-proiektua garatu ostean, enpresa berria eratzen bada, enpresa horrek aurreko a) eta c) baldintzak bete beharko ditu. Era berean, enpresa berria sustatzen duen pertsonak edo enpresak parte hartu behar du, enpresa berriaren kapital sozialean.

4. *Dekretu honen ondorioetarako*

Honako ezaugarri hauek dituzte enpresa berritzaile berriek: produktu, prozesu edo zerbitzuetan elementu berritzaileak sartzen dituzte Bizkaiko merkatura; aberastasuna sortzeko aukera handia dute; balio erantsia ematen dute; bideragarriak dira, eta dekretu honen xedeak lortzen laguntzen dute.

Teknologia edota ezagutza berriaren elementu bereizgarriak enpresaren edo talde sustatzailearen baitakoak izan behar dira.

5. *Ez dira onuradunak izango*

- Zuzenbide publikoko erakundeak, ondasun erkidegoak eta sozietate zibilak.
- Ekonomi eta Lurralde Garapena Sustatzeko Sailaren Ekintzaitzako eta Gizarte Berrikuntzako Programara eta Bizkaia Sortzailea Programara aurkeztu daitezkeen entitateak.

II. TITULUA

JARDUTEKO ARLOAK

I. KAPITULUA

1. ARLOA: ENPRESA-PROIEKTU BERRITZAILEAK GARATZEA

3. artikulua. — *Xedeak*

1. arlo horren bitartez, helburu hauek lortu nahi dira:
 - Enpresa-proiektu berritzaile berriak martxan jartzen laguntzea. Proiektu horiek dibertsifikazio-jarduera eta teknologia berriei buruzko jarduera berriak ekarri behar dituzte Bizkaiko enpresen sarera. Proiektuok balio erantsi handia eta hazteko ahalmena izan behar dute.
 - Lankidetzaren areagotzea Bizkaian enpresa-ekimen berrietan lan egiten duten eragileekin.
- Enpresa-proiektu berrien enpresa-planak garatzeko diru-laguntzak ematen dira arlo honetan.
- Beaz, S.A.U., foru-sozietate publikoak aholkularitza emango die lagundutako pertsona edo erakunde sustatzaileei. Enpresa-proiektuak aztertzeko eta martxan jartzeko fasean emango die aholkularitza hori, honetarako:
 - Enpresa-proiektuaren enpresa-plana egiteko laguntza.
 - Barne ekintzaitzako proiektuak garatzea.
 - Teknologia transferitzeko; horretarako, elkarlan-hitzarmenak egingo dira zentro teknologikoekin eta unibertsitateekin.
 - Proiektua abiarazteko beharrezkoa den finantziarioa bilatzeko laguntza.
 - Pertsona sustatzaileek edo hautatutako proiektuen pertsona arduradunek izan ditzaketan trebakuntza-beharretarako.
 - Proiektuaren arlo ezberdinetan sustatzaileekin elkarlanean arituko diren profesionalak edo espezialista independenteak bilatzeko eta hautatzeko.
 - Sortutako enpresa berriak kokatzen laguntzeko.

**4. artikulua. — Diruz lagundu daitezkeen egitea**

Enpresa berria sortzeko proiektuaren edo, barne-ekintzaitzako proiektuetan, negozio-unitate berriaren garapena eta definizioa, 2.4 artikuluan ezarritakoaren arabera.

5. artikulua. — Diru-laguntza jaso dezaketen gastuak

1. Gastu hauek dira diruz lagun daitezkeenak, betiere enpresa berria sortzeko proiektua edo negozio-unitate berria garatu eta zehazteko beharrezkotzat jotzen badira:

- Bideragarritasun eta merkatu-azterlanak, eta txosten teknikoak.
- Produktuaren edo zerbitzuaren kontzeptua, ezaugarriak eta oinarriko funtzionalitateak garatzea.
- Proiektua garatzeko kanpoko aholkularitza.
- Jabetza intelektuala edo industrialak babestea, erregistroak, ziurtagiriak eta homologazioak.
- Bidaiak egitea eta azoketan parte hartzea.

2. Beaz, S.A.U., sozietateak proposatuz gero, beste kontzeptu batzuk ere diruz lagundu ahal izango dira, baldin eta proiektua garatzeko beharrezkoak direla uste bada.

6. artikulua. — Egiteko epea eta burutzeko betekizunak

1. Aurreko artikuluan zehaztutako diruz lagun daitezkeen gastuak 2018ko urtarrilaren 1a eta 2020ko abenduaren 31 bitartean garatu eta ordaindu beharko dira.

2. Entitate onuraduna pertsona fisikoa edo enpresa berria bada, Beaz, S.A.U., entitate laguntzaileak erabakiko du, kasuan-kasuan, hark antolaturiko, enpresa-proiektua garatzeko beren-beregi diseinaturiko prestakuntza-lantegietan parte hartzearen egokitasuna.

7. artikulua. — Diru-laguntzaren zenbatekoa

1. Balorazio-irizpideak ezarri ondoren lortutako puntuazioaren arabera ezarriko da diru-laguntzaren gehieneko zenbatekoa:

Balorazio-irizpideak ezarri ondoren lortutako puntuazioa	Diru-laguntzaren gehieneko portzentajea (%)	Diru-laguntzaren gehieneko zenbatekoa (eurotan)
50 eta 59 puntu bitartean	80	20.000
60 eta 69 puntu bitartean	80	30.000
70 eta 79 puntu bitartean	100	40.000
80 puntu edo gehiago	100	60.000

2. Diru-laguntzaren zenbatekoa beheranzko unitate hurbilenera biribilduko da.

3. Jarduera noiz egiten den kontuan hartu gabe, elkarren ondoko aurrekontu-ekitaldi bi edo gehiagoren kontura adjudikatu daitezke diru-laguntzak.

8. artikulua. — Ebaluatzeko irizpideak

1. Eskabideen balorazioa honako irizpide hauen arabera egingo da:

- Proiektuaren garapen maila (0-10 puntu bitartean):**
Proiektuaren garapen maila eta jarritako baliabide tekniko eta giza-baliabideen egokitzapena baloratuko dira.
- Proiektuaren berrikuntza maila eta berrikuntza horren jatorria (0-20 puntu bitartean):**
Faktore hauek baloratuko dira: berrikuntzaren maila eta berrikuntza horren jatorria, merkatu-aukera, lehiarako abantaila eta babes maila, eta koherentzia talde sustatzailearen lanbide-ibildidearekin edo enpresaren estrategiarekin.
- Proiektuaren taldea (0-20 puntu bitartean):**
Taldearen lidergoa eta kohesioa, arriskuak eta konpromisoak hartzea, arlo teknikoko zein kudeaketa arloko gaitasuna, eta proiektuari lotuta aurretik izandako esperientzia baloratuko dira.

d) *Merkatua (0-25 puntu bitartean):*

Honako hauek baloratuko dira: Produktua edo zerbitzua merkaturatzeko epea, ezagutzak eta ahalmena, nazioarteko estrategia eta lehiarik dagoen eta merkaturatu sartzeko oztoporik egon daitekeen.

e) *Proiektuak duen eragina (0-25 puntu bitartean):*

Aurrez ikusten den fakturazio-bolumena, inbertsio bolumena eta enplegua, bazkako merkatuaren banaketa geografikoa, eta beste eragileekin duen kolaborazio maila baloratuko dira.

f) *Proiektuaren beste ezaugarri batzuk (0-10 puntu bitartean):*

Proiektuko taldearen barruan %50 gutxienez emakumezkoak (5 puntu) eta 30 urtetik beherako gazteak (2 puntu) izatea baloratuko da, bai eta proiektuak garapen iraunkorrari egiten dion ekarpena ere (3 puntu).

2. Diruz lagundutako eskabideen gutxieneko kalitate bat bermatzeko, ondoko egoretako bat, gutxienez, betetzen duten eskabideak baztertu egingo dira:

- a) 1.a) irizpidean 5 puntu baino gutxiagoko balorazioa.
- b) 1.b) irizpidean 10 puntu baino gutxiagoko balorazioa.
- c) Proiektuaren balorazio osoan 50 puntu baino gutxiago lortzea.

Irizpideren batean ezarrita baldin badago gutxieneko balorazio bat lortu behar dela, eta lortzen ez bada, horrek gainerako irizpideetan baloraziorik ez egitea ekarriko du.

9. artikulua. — Aurkeztu beharreko dokumentazioa1. *Honako agiri hauek aurkeztu behar dira eskabidearekin batera*

- a) Proiektuari buruzko memoria.
- b) Hartzekodunaren fitxa, Bizkaiko Foru Aldundian banku-helbideratzeari buruzko datuak ez badaude edo bertan dauden datuak aldatu nahi badira.
Proiektuaren memoria eta hartzekodunaren fitxa Ekonomia eta Lurralde Garapeneko Sailaren webgunean dauden ereduaren arabera aurkeztu behar dira (www.bizkaia.eus/Enpresak eta nazioartekotzea/Ekintzailtza/Berrikuntza eta sorkuntza/Enpresa berritzaileak sortzea).
- c) Talde-sustatzailearen lanbide-historia edo enpresaren ibilbidea, hala badagokio.
- d) Pertsona fisikoak direnean: eskatzailearen errolda-ziurtagiria.
- e) Enpresa berritzaile berrien kasuan: sozietatearen eraketari buruzko eskritura, behar bezala erregistratuta, eta, hala badagokio, kapital-gehikuntzari buruzko eskriturak.
- f) Negozio-unitate berriak sustatzen dituzten lehendik diren enpresak: Beaz, S.A.U.-ren agiria, enpresaren barne ekintzailtzako prozesua berresten duena.
- g) 2. artikuluan ezarritako betekizuna -enpleguari buruzkoa- bete behar denean, langile autonomoen kasuan bakarrik: enpresak ordaindutako azken automonoen ziurtagiria edo azken nomina.

Inoren konturako langileen kasuan, betekizun hori automatikoki egiaztatuko du Ekonomi eta Lurralde Garapena Sustatzeko Sailak.

2. *Proiektua egiten ari den bitartean eta amaitzen denean aurkeztu beharreko dokumentazioa*

- a) Tarteko eta amaierako justifikazioei dagokien jarduketan memoria, bai bitartekoa, bai amaierako, egindako jarduerak eta lortutako emaitzak azaltzen dituena, Ekonomi eta Lurralde Garapena Sustatzeko Sailaren web orrian dauden ereduaren arabera (www.bizkaia.eus/Enpresak eta nazioartekotzea/Ekintzailtza/Berrikuntza eta sorkuntza/Enpresa berritzaileak sortzea).
- b) Egin beharreko lanen eskaintzei buruzko dokumentazioa, halakorik badago, 39. artikuluan ezarritakoaren arabera.
- c) Lagundutako jardueretako edozein egiteko kontratuak, behar bezala formalizaturakoak, halakorik behar izanez gero.



- d) Egindako bideragarritasunari eta merkatuari buruzko azterlanak eta egindako txostenak, hala badagokio.
- e) Egindako aholkularitza lanei buruzko azterlana eta bere ondorioak, halakorik behar izanez gero.
- f) Faktura eta dagokion ordainketa-ziurtagiria, dokumentu bakarra erabiliz, diru-laguntza jaso dezaketen gastu bakoitzerako.
50 euro baino gutxiagoko fakturak, dokumentu bakar batean aurkeztu beharko dira, hornitzaileka sailkatuta.
Justifikaziorako fakturak bulego birtualaren bidez bidaltzen direnean, sistemak, automatikoki, diruz lagundutako jardueraren gastu-zerrenda sortuko du.

II. KAPITULUA

2. ARLOA: ENPRESA BERRITZAILE BERRIAK

10. artikulua.— *Xedeak*

- 1. 2. arlo honen bitartez, enpresa berritzaile berriak sortzea sustatu nahi da Bizkaian.
- 2. Honako hauek eskaintzen dira arlo honetan:
 - a) Enpresa berritzaileak sortu eta abiarazteko diru-laguntzak.
 - b) Beaz, S.A.U., foru-sozietate publikoak aholkularitza emango die arlo honetan lagunduta enpresa berritzaile berriei, honetarako:
 - 1) Proiektua abiarazteko beharrezkoa den finantziazioa bilatzea.
 - 2) Proiektuaren arlo ezberdinetan sustatzaileekin edo enpresekin elkarlanean arituko diren profesionalak edo espezialista independenteak bilatzea eta hautatzea.
 - 3) Enpresa edo jarduera berri bat abiarazi eta martxan jartzeko bazkideak bilatzea, baldin eta enpresek berriaz eskatzen badute.

11. artikulua.— *Diruz lagundu daitekeen egitatea*

Diruz lagundu daitekeen egitatea enpresa berritzaile berriak sortzea izango da, 2.4 artikuluan ezarritakoaren arabera.

12. artikulua.— *Diru-laguntza jaso dezaketen gastuak*

- 1. Enpresa berria sortzeagatiko prima.
Sozietatearen kapitala eskrituran eta eskudirutan ordaindua izan behar dute, eskabi-deak aurkezteko epea amaitzen denean, pertsona fisiko eta juridiko ekintzaileek.
Ezin da diru-laguntzarik jaso inbertsiogile-taldeei, arrisku-kapitaleko sozietateei edo baliokideei dagozkien sozietatearen kapitalaren ekarpenetarako.
- 2. Enpresa berria eratzea eta abiaraztea.
- 3. Azoketan erakusle gisa parte hartzeko eta parte-hartze horri lotutako bidaietarako.
- 4. Marketin-plana.
- 5. Jabetza intelektuala edo industrial babestea, erregistroak, ziurtagiriak eta homologazioak.
- 6. Bizkaian negozio-lokala errentan hartzea.
Errentamendu-kontratua eskabideak aurkezteko epea bukatzen denean formalizata egon beharko da eta gehienez negozioko lokalaren urte bateko errentamendua lagunduko da diruz. Gastu hori ez da diruz lagunduko zuzenbide publiko edo pribatuko entitateen bidez diruz laguntzen edo hobaritzen bada.
- 7. Teknologo bat edo negozioa garatzeko pertsona baten kontratazioa.
 - a) Teknologoa unibertsitateko titulua duena da, eta I+G-n edo baliokideetan esperientzia egiaztatua du, hain zuzen, enpresa eskatzaileak garatzen edo garatu nahi dituen jardueretarako garrantzitsuak diren arloetan. I+G-ko esperientzia hori curriculumaren bitartez egiaztatu daiteke, pertsona horren lan arloko esperientzia edo doktoretza bat jasotzen baditu.



Teknologoak parte hartu beharko du proiektu jakin hauetan: teknologia garatzeko proiektu zehatzetan, baldin eta hauek enpresa berria sortzeko proiektuan badaude.

- b) Honako hau joko da negozioa garatzeko pertsonatzat: talde sustatzailearen ga-beziak osatzea, enpresaren negozio-planaren abiaraztea bultzatzea eta salmentetarako zein merkaturatzeko sare bat egituratzea.

Enpresako teknikariak, administrariak edo komertzialak kontratatzea ez da hala-kotzat hartuko.

Pertsonak egiaztatu behar du aurretik baduela esperientzia enpresa berrian beteko dituen eginkizunetan.

- c) Ordainsari gordinaren eta Gizarte Segurantzari enpresak egiten dion kuotaren batura joko da kontratazio-gastutzat.
- d) Teknologoa edo negozioa garatzen duen pertsona kontratatuta egon behar da eskabideak aurkezteko epea bukatzen denean eta, gehienez ere, urtebeteko kontraturako diru-laguntza emango da, ezarritako burutzeko epean.
- e) Ez da diruz lagunduko enpresa berriko bazkideak kontratatzea, ezta talde bereko enpresetakoak diren pertsonak lekuz aldatzea ere.

13. artikulua.— Egiteko epea

Diruz lagun daitezkeen gastuak 2018ko urtarrilaren 1a eta 2020ko abenduaren 31 bitartean garatu eta ordaindu beharko dira.

14. artikulua.— Diru-laguntzaren zenbatekoa

1. Eskabideak aurkezteko epea bukatzen denean eskuraturatu eta eskudirutan ordaindutako kapital sozialaren %30, gehienez. Eta gehienez 15.000 euro enpresako.

2. Aurreko artikuluko 2tik 6rako puntuetan aipatutako gastuen diru-laguntzaren gehieneko portzentajea ezartzeko, ebaluazio-irizpideak aplikatuta eskuratzen den puntuazioaren arabera izango da, 30.000 eurokoa gehienez ere:

- 50 eta 69 puntu bitartean: %60.
- 70 puntu edo gehiago: %80.

3. Teknologoa edo negozioa garatuko duen pertsona kontratatzeako gastuetarako diru-laguntzaren gehieneko portzentajea %50ekoa izango da, gehienez ere, 20.000 euro.

4. Onuradun izateko baldintzak betetzen direnean, beste behin baino ezin izango da lortu 2. arloko laguntza, behean aipatutako gastu-kontzeptuak direla eta, betiere aurretiaz ez badira diruz lagundu eta aurreko 1., 2. eta 3. puntuetan ezarritako muga kuantitatiboetara iritsi arte.

- a) Kapital-gehikuntza.
 - b) Bizkaian negozio-lokala errentan hartzea.
 - c) Teknologo bat edo negozioa garatzeko pertsona baten kontratazioa.
5. Diru-laguntzaren gehieneko muga 2. arloan, enpresako, 65.000 euro izango da.

Diru-laguntzaren zenbatekoa beheranzko unitate hurbilenera biribilduko da.

Jarduera noiz egiten den kontuan hartu gabe, elkarren ondoko aurrekontu-ekitaldi bi edo gehiagoren kontura adjudikatu daitezke diru-laguntzak.

15. artikulua.— Ebaluatze irizpideak

1. 2. arloa ebaluatze irizpideak 8. artikuluan ezarritakoak izango dira.

2. Diruz lagundutako eskabideen gutxieneko kalitate bat bermatzeko, ondoko egoretako bat, gutxienez, betetzen duten eskabideak baztertu egingo dira:

- a) 1.a) irizpidean 5 puntu baino gutxiagoko balorazioa.
- b) 1.b) irizpidean 10 puntu baino gutxiagoko balorazioa.
- c) Proiektuaren balorazio osoan 50 puntu baino gutxiago lortzea.



Irizpideren batean ezarrita baldin badago gutxieneko balorazio bat lortu behar dela, eta lortzen ez bada, horrek gainerako irizpideetan baloraziorik ez egitea ekarriko du.

16. artikulua.— Aurkeztu beharreko dokumentazioa**1. Honako agiri hauek aurkeztu behar dira eskabidearekin batera**

- a) Proiektuaren memoria.
- b) Hartzekodunaren fitxa, Bizkaiko Foru Aldundian banku-helbideratzeari buruzko datuak ez badaude edo bertan dauden datuak aldatu nahi badira.
Proiektuaren memoria eta hartzekodunaren fitxa Ekonomia eta Lurralde Garapeneko Sailaren webgunean dauden ereduaren arabera aurkeztu behar dira (www.bizkaia.eus/Enpresak eta [nazioartekotzea/Ekintzailletza/Berrikuntza](http://www.bizkaia.eus/nazioartekotzea/Ekintzailletza/Berrikuntza) eta [sorkuntza/Enpresa berritzaileak sortzea](http://www.bizkaia.eus/sorkuntza/Enpresa_berritzaileak_sortzea)).
- c) Talde-sustatzailearen lanbide-historia edo enpresaren ibilbidea, hala badagokio.
- d) Sozietatearen eraketari buruzko eskritura, behar bezala erregistratuta, eta, hala badagokio, kapital-gehituntzari buruzko eskriturak.
- e) Langile autonomoen kasuan, enpresak ordaindutako azken automonoen ziurtagiria edota azken nomina.
Inoren konturako langileen kasuan, betekizun hori automatikoki egiaztatuko du Ekonomi eta Lurralde Garapena Sustatzeko Sailak.
- f) Errentamendu-kontratua, behar bezala beteta, hala badagokio.
- g) Enpresa abiarazteko eta marketin-plana egiteko eskatutako gastuei dagozkien aurrekontuak.
- h) Teknologo bat edo negozioa garatzeko pertsona bat kontratatzen denean:
 - 1) Lan kontratua.
 - 2) Langileen zerrenda edo alta Gizarte Segurantzaren araubide orokorrean, zerrendarik ezean.
 - 3) Lan-bizitza.
 - 4) Curriculum vitae.
 - 5) Enpresa berrian izango dituen eginkizunen deskribapen laburra.

2. Proiektua egiten ari den bitartean eta amaitzen denean aurkeztu beharreko dokumentazioa

- a) Tarteko eta amaierako justifikazioei dagokien jarduketan memoria, bai bitartekoa, bai amaierako, egindako jarduerak eta lortutako emaitzak azaltzen dituena, Ekonomi eta Lurralde Garapena Sustatzeko Sailaren web orrian dauden ereduaren arabera (www.bizkaia.eus/Enpresak eta [nazioartekotzea/Ekintzailletza/Berrikuntza](http://www.bizkaia.eus/nazioartekotzea/Ekintzailletza/Berrikuntza) eta [sorkuntza/Enpresa berritzaileak sortzea](http://www.bizkaia.eus/sorkuntza/Enpresa_berritzaileak_sortzea)).
- b) Egin beharreko lanen eskaintzei buruzko dokumentazioa, halakorik badago, 39. artikuluan ezarritakoaren arabera.
- c) Lagundutako jardueretako edozein egiteko kontratuak, behar bezala formalizatu-takoak, halakorik behar izanez gero.
- d) Egindako marketin-plana, hala badagokio.
- e) Teknologo bat edo negozioa garatzen duen pertsonaren nomina eta TC2 agiriak, eskabidea aurkeztu denean erantsi ez badira.
- f) Faktura eta dagokion ordainketa-ziurtagiria, dokumentu bakarra erabiliz, diru-laguntza jaso dezaketen gastu bakoitzerako.

50 euro baino gutxiagoko fakturak, dokumentu bakar batean aurkeztu beharko dira, hornitzaileka sailkatuta.

Justifikaziorako fakturak bulego birtualaren bidez bidaltzen direnean, sistemak, automatikoki, diruz lagundutako jardueraren gastu-zerrenda sortuko du.

**III. TITULUA****DIRU-LAGUNTZA MOTA GUZTIETARAKO XEDAPEN OROKORRAK****17. artikulua. — Araubide juridikoa**

1. Diru-laguntzek honako arau hauetan xedatutakoa bete beharko dute: dekretu honetan, laguntzak emateko foru aginduetan, Foru Administrazioak ematen dituen diru-laguntzen araubide juridiko orokorra arautzen duen 2005eko maiatzaren 31ko 5/2005 Foru Arauan eta hura garatzen duen erregelamenduan (Bizkaiko Foru Aldundiaren 2010eko martxoaren 23ko 34/2010 Foru Dekretuaren bidez onetsiari), eta Bizkaiko Foru Aldundiaren otsailaren 27ko 16/2018 Foru Dekretuan, honen bidez, onartutako Diru-laguntzen Erregelamendua aldatzen da, eta Estatuko edo Europako Erkidegoko gainerako arau aplikagarrietan

2. Bizkaiko Gardentasunari buruzko otsailaren 17ko 1/2016 Foru Araua erakunde pribatu hauei aplikatuko zaie: aurrekontu-ekitaldi baten zehar Bizkaiko Foru Aldundiaren 100.000 euro edo gehiagoko laguntzak edo diru-laguntzak jasotzen dituztenei edo urteko diru-sarreraren %40 Aldundiaren laguntzetatik edo diru-laguntzetatik jasotzen dutenei, betiere gutxienez 5.000 euro badira.

3. Interesdunak ematen dituen datuak foru-dekretu honetatik eratorritzen diren prozedurak kudeatzeko erabiliko dira, kontuan harturik zer ezartzen den honako araudi honetan: 2016/679 Erregelamendua (EB), 2016ko apirilaren 27koa, Europako Parlamentuarena eta Kontseiluarena, datu pertsonalen tratamenduari eta datu horien zirkulazio askeari dagokionez pertsona fisikoak babesteari buruzkoa, eta 95/46/CE Zuzentaraua indargabetzen duena (Datuak babesteko erregelamendu orokorra), eta 15/1999 Lege Organikoa, abenduaren 13koa, Izaera Pertsonaleko Datuak Babesteari buruzkoa.

Datu horiek inola ere ez dira erabiliko, eta ez zaizkie hirugarren batzuei lagako, interesdunak argi eta garbi ados dagoela adierazi ezean edo goian aipaturiko araudian ezartzen diren kasuetan izan ezik.

Araudi horretan xedatzen dena betetzeko, interesdunak honako eskubide hauek baliatu ahal izango ditu datuen tratamenduaren arduradunaren aurrean: datuak eskuratzeko, zuzentzeko, ezerezteko («ahaztua izateko eskubidea»), haien tratamendua mugatzeko eta datuok eramangarri izateko eskubideak, bai eta tratamendu automatizatuan soilik oinarrituriko erabakirik ez jasatekoa (barne harturik profilen sorrera), baldin eta erabakiak eragin juridikoak badakarzkio edo, modu bertsuan, beragan eragin nabarmenik badu. Era berean, edozein momentutan erreboka dezake lehen adierazitako onarpena.

Halaber, erreklamazioa aurkezteko eskubidea izango du Datuen Babesaren Kontrol Agintaritzaren aurrean.

4. Administrazio prozedurari dagokionez, dekretu honetan ezarri ez den guztirako Administrazio Publikoen Administrazio Prozedura Erkidearen urriaren 1eko 39/2015 Legea aplikatuko da. Hala ezin bada, zuzenbide pribatuko arauak aplikatuko dira.

18. artikulua. — Diru-laguntza jaso dezaketen gastuetarako irizpide orokorrak

1. Honako hauek dira diru-laguntza jaso dezaketen gastuak: indarrean dagoen araudiaren arabera behar bezala justifikatu direnak, betiere epearen barruan egin badira, beharrezkoak badira eta proiektuaren edo jardueraren izaerari eta garapen normalari erantzuten badiete.

2. Diru-laguntza jaso dezaketen gastuen kostuak ez dira onartuko baldin eta merkatuan duten balioa baino handiagoak badira.

19. artikulua. — Diru-laguntzarik jasoko ez duten gastuak

Edonola ere, honako gastu hauek ez dute diru-laguntzarik jasoko:

1. Balio erantsiaren gaineko zerga (BEZ).
2. Diru-laguntzaren xedea den jarduerarekin argi eta garbi, okertzeko aukerarik gabe, identifikatu ezin diren gastuak.



3. Eskatzailearen eta entitate hornitzailearen artean lotura dagoen kasuetan gastuek ez dute diru-laguntzarik jasoko, salbu eta 5/2005 Foru Arauko 27.7.d) artikuluan gastu horiek diruz lagungarritzat jotzeko baldintzak betetzen direnean. Bada, ondorio horietarako, diru-laguntzen araudia onartzen duen Bizkaiko Foru Aldundiaren martxoaren 23ko 34/2010 Foru Dekretuaren 53.2 artikuluan ezarritako kasuetako bat gertatzen denean ulertuko da lotura dagoela.
4. Zeharkako gastuak.
5. Janari eta mantenu gastuak.
6. Lizentzia informatikoak eskuratzeko gastuak.
7. Patente, erabilgarritasun-eredu edo diseinuaren eskabideari beste pertsona fisiko edo juridiko batzuek egindako alegazioen edo aurkakotzen aurreko defentsa legalen eta erantzunen gastuak.
8. Jabetza industrialaren bulegoetan ordaindutako urtekoak.
9. Dekretuan diruz lagundu daitekeen gastutzat ezarritako baldintza guztiak betetzen ez dituzten gastuak.
10. Dekretu honen 6. eta 13. artikuluetan delakoan epeei buruz ezarritako baldintzak betetzen ez dituzten gastuak.

20. artikulua.— Aurrekontuko muga

Diru-laguntza jasotzeko aurkezten diren eskaeretatik, honetarako aurrekontuan izendatutako kopuruek uzten dituzten beste eskaerak baino ez dira hautatuko.

21. artikulua.— Diru-laguntzak metatzea

Dekretu honetan jasotako laguntzek edo diru-laguntzek Batzordearen 2013ko abenduaren 18ko 1407/2013 (EB) Erregelamenduan xedatutakoa bete beharko dute. Erregelamendu hori EB Funtzionamendu Ituneko 107. eta 108. artikuluek minimis laguntzei aplikatzeari buruzkoa da (EBAO 352. zenbakia, 2013ko abenduaren 24koa). Beraz, arautegi hori ez betetzeak erantzukizun penala, zibila eta administratiboa ekar liezaioke enpresa arau-hausleari. Europar Batasunak ezarritakoaren arabera, edozein enpresari emandako minimis laguntza, guztira, ez da 200.000 euro baino handiagoa izango hiru zerga-ekitalditan.

22. artikulua.— Diru-laguntzen bateragarritasuna

1. Dekretu honen babespean emandako laguntzak bateragarriak izango dira ondo-ko laguntzekin:

- a) SPRI-ren Ekintzaile programako laguntzak.
- b) beste entitate publiko edo pribatu batzuek helburu bererako eman ditzaketen beste laguntza batzuekin.

Hala ere, Diru-laguntzei buruzko Foru Arauko 18.3 artikuluan ezarritakoaren arabera, emandako diru-laguntzaren zenbatekoak ezin du inola ere gainditu lagundutako jardueraren kostua, ez berak bakarrik, ez beste diru-laguntza batzuekin batera.

2. Bizkaiko Foru Aldundiko Ekonomi eta Lurralde Garapena Sustatzeko Sailaren beste plan, programa edo jarduera-arlo batek diruz lagundutako gastuek ezin izango dituzte diru-laguntza hauek jaso.

3. Edozelan ere, diru-laguntza jasotzen duten entitateek nahitaez jakinarazi behar diote Ekonomi eta Lurralde Garapena Sustatzeko Sailari beste edozein laguntza jaso dutela, laguntza hori jaso duten data edozein delarik ere. Jakinarazpen hori maiatzaren 31ko 5/2005 Foru Arauaren 18.3 eta 4. artikuluetan aurrez ikusitakoa betetzeko egingo da, eta, horrela, aldatu egin ahalko da diru-laguntza emateko ebazpena, eta, hala bada-gokio, dirua itzultzeko prozedura abiarazi.

4. Ekonomi eta Lurralde Garapena Sustatzeko Salla harremanetan jarri ahal izango da beste entitate finantzatzaile batzuekin, kofinantzaketa-hitzarmen bat egin ahal izateko.

**23. artikulua.— Emandako diru-laguntzen publizitatea**

Diru-laguntzak ematen diren urte naturala amaitu ondorengo lehen hiruhilekoa bukatu aurretik, ebazpenaren laburpen bat argitaratuko da Bizkaiko Aldizkari Ofizialean.

24. artikulua.— Emandako diru-laguntzen zabalkundea

Dekretu honen babespean ematen diren laguntzen pertsona edo entitate onuradunek laguntza horien publizitatea egin beharko dute, maiatzaren 31ko 5/2005 Foru Arauaren 17.3 artikuluan adierazitakoaren arabera.

25. artikulua.— Deslokalizazioa

Entitate onuradunek enpresa-deslokalizaziorik ez egiteko konpromisoa hartzen dute. Enpresak deslokalizatzen direnean foru sektore publikoak laguntzak berreskuratzeari buruzko martxoaren 27ko 7/2007 Foru Arauak ezarritakoa joko da enpresa-deslokalizaziotzat.

Deslokalizazio gertatuz gero, diru-laguntzaren kontzeptuan jasotzen diren muntak foru arau horretan ezarri denarekin bat ituzli beharko dira.

26. artikulua.— Erakunde laguntzailea

Ekonomi eta Lurralde Garapena Sustatzeko Sailak bere helburuak lortzeko berari atxikitako Beaz, S.A.U., foru sozietate publikoaren laguntza du. Sozietate horrek Bizkaia Sortzailea Programan esku hartuko du, erakunde laguntzaile gisa. Aurreko guztia hala da Bizkaiko Foru Aldundiaren eta Beaz, S.A.U.-ren artean sinatuko den lankidetzaren hitzarmenaren arabera; hitzarmenaren xedea da sozietateak erakunde kolaboratzaile gisa jardutea Ekonomi eta Lurralde Garapena Sustatzeko Sailak sustatutako diru-laguntzei buruzko zenbait foru-dekretutan. Bizkaiko Foru Aldundiaren Gobernu Kontseiluak 2017ko uztailaren 18an onetsi zuen hitzarmena, zerrendako 19. gaia zela.

Beaz, S.A.U., entitate laguntzaileak Bizkaiko Foru Aldundiko Ekonomi eta Lurralde Garapena Sustatzeko Sailaren izenean eta kontura jardungo du; sail hori izango da, ondorio guztietarako, laguntza hauen emalea.

IV. TITULUA**DIRU-LAGUNTZAK EMATEKO PROZEDURA****27. artikulua.— Eskabideak aurkeztea**

1. Eskabidea Internet bidez aurkeztuko da «Ekonomi eta Lurralde Garapeneko bulego birtuala» atalean (<http://www.bizkaia.eus/Sustapena-BulegoBirtuala>).

2. Bulego birtualera sartzeko erak:

- a) Sinadura elektronikoa duen txartela edo ziurtagiria.
- b) B@k edo B@kQ txartelak. B@kQ txartela Ekonomi eta Lurralde Garapeneko Saillean (Orueta Apezpikua kalea, 6, 48009-Bilbao) lor daiteke, aipatutako webgunean esandako moduan.

Bi aukera horiek guztiek baimena ematen dute pertsona juridikoaren ordezkari legez eskabideak egiteko.

3. Eskabide-orrira jo aurretik, sistemak beharrezkoak diren datuak eskatuko ditu Ekonomi eta Lurralde Garapena Sustatzeko Sailaren entitate eta pertsonen Erregistroko (ESEPE) inskripzioa egiteko (Bizkaiko Foru Aldundiaren ekainaren 14ko 109/2016 Foru Dekretuaren bidez arautu zen erregistro hori).

4. Eskabidea aurkeztean, eskatzaileak baimena ematen du informazioa lortu ahal izateko zein den haren zergekiko egoera, Gizarte Segurantzarekikoa, Lanbiderekikoa edo dagokion lan zerbitzu publikoarekikoa zein beste edozein administrazio publikorekikoa.

5. Eskabideekin batera, ezarritako dokumentazioa aurkeztu behar da; horretarako, gorago aipatu den webgunean agiriak eransteko dagoen sistema erabili behar da.

6. Nolanahi ere, instrukzioaz arduratzen den organoak elkartu edo xehatu egin ahalko ditu elkarrekin zerikusia duten eskabideak, eta eskabide horiek ondo aztertu eta



ebalutzeko egoki ikusten dituen multzoak sortu. Horrez gainera, esku izango du diru-laguntzaren xedeko jarduerara ondoen egokitzen den egitate lagungarria zehazteko.

7. Eskabideak jaso ondoren, oso-osorik beteta ez badaude, entitate eskatzaileari errekerimendua egingo zaio hamar (10) eguneko epean (jakinarazpena egin, eta biharramunetik zenbatzen hasita) akatsa konpon dezan edo nahitaez aurkeztu beharreko dokumentuak aurkez ditzan, eta ohartaraziko zaio, horrela egiten ez badu, eskabidean atzera egindakotzat joko dela horretarako beren-beregi emaniko ebazpen baten bidez, Administrazio Publikoen Administrazio Prozedura Erkidearen urriaren 1eko 39/2015 Legeko 21. eta 68. artikuluetan xedatutakoaren arabera.

Herri Administrazioen Administrazio Prozedura Erkidearen 32.3 artikulua ezartzen duenaren arabera, epeak zabaltzeko akordioak edo horiek ukatzekoak ezingo dira errekurritu, prozedura amaitzen duen ebazpenaren aurkakoari kalterik egin gabe.

8. Eskabideak aurkezteko epea 2019ko otsailaren 4tik martxoaren 7ko 13:30 arte izango da.

28. artikulua. — *Emateko prozedura*

1. Diru-laguntzak emateko prozedura norgehiagoka izango da, eta hautaketa prozedura bakar baten bidez egingo da. Hala ere, kasuan kasuko aurrekontu ekitaldian, deialdi bat baino gehiago onartu ahal izango da.

2. Honako hau jotzen da norgehiagoka prozeduratzat: diru-laguntzak emateko, aurkeztu diren eskabideak konparatzea, aurretik ezarritako ebaluazio irizpideen arabera, lehenetasun hurrenkera bat ezartzeko, eta puntu gehien jaso dutenei diru-laguntzak adjudikatzea erabilgarri dagoen kredituaren arabera.

3. Ekonomi eta Lurralde Garapena Sustatzeko Saileko bi kidek eta Beaz, S.A.U., sozietateko beste bi kidek osatutako ebaluazio-batzordeak aukeratuko ditu deialdi bakoitzean laguntza jasoko duten proiektuak.

Diru-laguntza publikoak emateko batzorde ebaluatzailearen osieran, gaitasun, gaitasun eta prestakuntza egokia duten emakumeen eta gizonen arteko ordezkartza orekatua egotea saiatuko da.

Ebaluazioa eginda, ebaluazio-batzordeak txosten bat emango du, ebaluazio horren emaitza zehazteko.

29. artikulua. — *Laguntzak emateko prozedura antolatu, instruitu eta ebatziko duten organo eskudunak*

1. Enpresak Sustatzeko Zerbitzuak izapidetuko ditu diru-laguntzetarako eskabideak, eta ekonomi eta lurralde garapena sustatzeko foru diputatuak ebatziko ditu, enpresak sustatzeko eta ekonomia garatzeko zuzendari nagusiak proposamena eginda.

2. Organo instrukziogileak egiaztatuko egingo du pertsona edo entitate onuradun izateko ezarritako baldintzak betetzen diren.

3. Ebaluazio batzordeak balorazioa egin ondoren, eta organo instrukziogileak ebazpen-proposamena igorriko dio Enpresak Sustatzeko eta Ekonomia Garatzeko Zuzendaritza Nagusiarri. Proposamen horrek diru-laguntzetarako eskabideen zerrenda jasoko du (onartuak izateko baldintzak betetzen dituztenen zerrenda, alegia); zerrenda hori lortutako puntuaren arabera ordenatuta egongo da. Horrez gainera, ezesteko diren eskabideen zerrenda ere jasoko du; zerrenda horretan adieraziko da zergatik ezetsi diren eskabide horiek. Ebazpen-proposamen horrek ez die aldeko eskubiderik emango onuradun agertzen diren pertsona edo entitateei.

4. Enpresak Sustatzeko eta Ekonomia Garatzeko Zuzendaritza Nagusiak ebazpen-proposamena igorriko dio ekonomi eta lurralde garapena sustatzeko foru diputatuari, berak emango baitu ebazpena dagokion foru aginduaren bidez.

30. artikulua. — *Gastuen doiketa*

Ekonomi eta Lurralde Garapena Sustatzeko Sailak uste badu gastu-aurrekontua gehiegizkoa dela izaera bereko gastuen batez besteko kostuarekin alderatuta, murriztu



egin dezake diruz laguntzeko oinarria, bere ustez doia eta neurrikoa den gastuari dagokion zenbatekoan.

31. artikulua.—Ebazpena emateko epea

1. Eskabideak ebazteko, gehienez ere sei (6) hilabeteko epea egongo da, eskabideak aurkezteko epea bukatzen den egunetik aurrera.

2. Organo eskudunak aurkeztu diren eskabide guztiei buruzko ebazpen adierazia eman behar badu ere, ebazpena eta jakinarazpena emateko epea iraungi eta ebazpen adierazia eman ez badu, ulertuko da eskabidea administrazio-isiltasunez ezetsi dela, Administrazio Publikoen Administrazio Prozedura Erkidearen urriaren 1eko 39/2015 Legeko 25. artikuluan xedatutakoaren arabera.

32. artikulua.—Ebazpenaren edukia eta jakinarazpena

1. Eman eta ukatu diren diru-laguntzen aipamenaz gain, ebazpenak zerrenda ordenatu bat jasoko du, honako eskabide hauek jasoko dituena: dagokion deialdirako zegoen kredituaren gehieneko kopurua gairatu delako onartu ez direnak, nahiz eta pertsona edo entitate onuradun izateko foru dekretu honetan ezarritako baldintza administratiboak eta teknikoak betetzen dituzten. Horrekin batera, aurrez ikusitako ebaluazio irizpideen arabera eskabide horiek jaso duten puntuazioa ere adieraziko da.

2. Foru dekretu honetan edo dagokion deialdiaren araudian xedatutakoa kasu bakoitzera egokitu eta aplikatzeko, komenigarritzat jotzen denean, diru-laguntza emateko ebazpenean baldintza bereziak ezarri ahalko dira, proiektuen izaera berezia edo gertatzen diren beste inguruabar batzuk direla-eta.

3. Ebazpena pertsona edo entitate interesdunei jakinaraziko zaie, Administrazio Publikoen Administrazio Prozedura Erkidearen urriaren 1eko 39/2015 Legeko 40. eta 42. artikuluetan xedatutakoaren arabera.

33. artikulua.—Errekurtsoak

1. Ebazpen honek amaiera ematen dio administrazio-bideari, eta haren aurka aurrerako berraztertze errekurtsoa jar daiteke, ekonomi eta lurralde garapena sustatzeko foru diputatuari, hilabeteko epean, jakinarazpena jaso eta biharamunetik hasita, Administrazio Publikoen Administrazio Prozedura Erkidearen urriaren 1eko 39/2015 Legean xedatutakoaren arabera.

2. Era berean, Administrazioarekiko auzi-errekurtsoa jarri ahalko da, Administrazioarekiko Auzietarako dagokion Epaitegian, bi (2) hilabeteko epean, jakinarazpena jaso eta biharamunetik hasita, Administrazioarekiko Auzien Jurisdikzioa arautzen duen uztailaren 13ko 29/1998 Legean ezarritako eran.

Ezingo dira errekurtso biak aldi berean jarri.

34. artikulua.—Diru-laguntzari uko egitea

1. Onuradun gertatu den pertsona edo entitate batek diru-laguntzari uko egiten badi, diru-laguntza ematen duen organoak erabaki dezake zerrendan —lortutako puntuen arabera— hurrengo dauden pertsona edo entitate eskatzaileei diru-laguntza ematea, betiere behar besteko kreditua badago eskabide horiei erantzun ahal izateko.

2. Diru-laguntza ematen duen organoak aukera horren berri emango die pertsona edo entitate interesdunei, diru-laguntzaren proposamena onar dezaten, hamar eguneko epean, epe hori ezin da luzatu. Behin pertsona edo entitate eskatzaileek proposamena onartu ondoren, administrazio-organoak diru-laguntza emateko egintza emango du, eta haren jakinarazpena egingo du.

35. artikulua.—Diru-laguntza ordaintzea

1. Diru-laguntzak eman eta ordaindu aurretik, Ekonomi eta Lurralde Garapena Sustatzeko Sailak edo, hala badagokio, entitate laguntzaileak egiaztatu egingo dute gastua diru-laguntza jaso dezakeen egitatea ote den eta zenbatekoa diruz lagundutako egitate eta gastuei ondo doituta dagoen edo ez.



2. Diru-laguntzaren betebeharra aitortu eta hura ordaindu aurretik, entitate onuradunek zerga-betebeharrak eta, hala badagokio, Gizarte Segurantzarekikoak egunean dituztela egiaztatuko da. Egiaztapen horren ondorioz, ikusten bada entitate onuradunak ez dituela egunean zerga-betebeharrak eta Gizarte Segurantzarekikoak, diru-itzulketa-ren prozedura abiaraziko da, 43. artikuluan eta hurrengoetan xedatzen diren baldintzak ez betetzeagatik.

3. Beaz, S.A.U., sozietatearen bitartez ordainduko dira diru-laguntzak. Ordainketak Beaz, S.A.U.-ri aurretiaz egingo dira.

4. Diru-laguntzak aurretiaz ordainduko dira, pertsona edo entitate onuradunei bermerik eskatu gabe.

5. Diru-laguntza jasotzen duen pertsonak edo erakunde onuradunak zor baten ordainketa geroratu edo zatikatzen badu berme barik, Administrazioak ofizioz konpentsatuko du geroratzeko edo zatikapen hori, emandako diru-laguntzaren kargura, Bizkaiko Lurralde Historikoko zerga-bilketari buruzko araudia onesten duen abenduaren 27ko 215/2005 Foru Dekretuaren 32.b) artikulua aplikatuz.

Konpentsazio hori gorabehera, pertsona edo erakunde onuradunak diru-laguntza justifikatu beharko du.

V. TITULUA

DIRU-LAGUNTZAK KUDEATU ETA JUSTIFIKATZEA

36. artikulua.— Erakunde onuradunen beste betekizun batzuk

1. Pertsona eta entitate onuradunek Ekonomia eta Lurralde Garapeneko Saileko Enpresak Sustatzeko Zerbitzuari jakinarazi behar dizkiote enpresan alderdi hauek direla-eta gertatzen diren aldaketa guztiak: akziodunen osaera, helbide soziala, enpresaren izena, eta abar.

2. Pertsona eta entitate onuradunek jasotako funtsen erabilerari buruzko frogagiriak gorde behar dituzte, agiri elektronikoak barne, egiaztapen eta kontroleko jardueren xede izan daitezke-eta.

3. Erakunde onuradunek bete behar dituzte, maiatzaren 31ko 5/2005 Foru Arauaren 41. artikulua dela bide, entitate onuradunei eta diru-laguntzaren xedeari lotutako hirugarrenei dagozkien finantza-kontroleko organoekin lankidetzan aritzeko dituzten betebeharrak.

37. artikulua.— Informazio osagarria eskatzea

Dena dela, Ekonomi eta Lurralde Garapena Sustatzeko Sailak eta Beaz, S.A.U., entitate laguntzaileak enpresa eskatzaileari beharrezkotzat jotzen dituen agiri edota informazio osagarriak eskatu ahal izango dizkio, aurkeztutako eskabidea ondo ulertu eta ebaluatzeko eta beraren jarraipena egin ahal izateko, agiriak eskatzen diren unean zehaztutako epean eman beharko dira. Era berean, entitate eskatzaileari bisitak eskatu ahal izango dizkio proiektua egin bitartean eta amaitu ondoren, jarraipen egokia egiteko.

Ekonomi eta Lurralde Garapena Sustatzeko Sailaren jardueraren eragina ebaluatzeko, Sail horrek eta Beaz, S.A.U., entitate laguntzaileak enpresari proiektuak iraun bitartean zein proiektu amaitu eta osteko bost (5) urteetan enpresaren bilakaera adierazten duten adierazle ekonomikoak eta enpleguari buruzko adierazleak nahiz proiektuak enpresan izandako eraginari buruzkoak aurkezteko eskatu ahal izango dio. Adierazle horiek aurkezteko epea, eskatzen zaizkion unean zehaztuko da.

38. artikulua.— Azpikontratazioa

1. Diruz laguntzen diren zerbitzu edo proiektuetako jardueren %100eraino azpikontratatu ahalko da, baldin eta maiatzaren 31ko 5/2005 Foru Arauaren 27. artikuluan ezarritako baldintzak eta debekuak errespetatzen badira.

2. Emakumeen eta Gizonen berdintasunerako otsailaren 18ko 4/2005 Legean xedatutakoaren arabera, diru-laguntzaren xedea gauzatzeko agindua jasotzen duten en-



titateek honako hauek bete behar dituzte: lege horretan ezarritako printzipio orokorrak errespetatu behar dituzte entitateek, beren lanaren barruko estatistikak genero ikuspegiaren arabera egokitu beharko dituzte, ez dute hizkera sexistarik erabiliko eta emakumeen eta gizonen ordezkariak orekatua bermatu behar dute eratzten diren batzordeetan eta lan taldeetan.

3. Diru-laguntzaren xedeko jardueraren zati baten burutzapena beste batekin hitzartzen duenean, eta jarduera horrek diru-laguntzaren zenbatekoaren %20 gainditzen duenean, eta, horrez gainera, azpikontratazioa 60.000 eurotik gorakoa denean, entitate onuradunak azpikontratazio hori egiteko baimena eskatu beharko dio Bizkaiko Foru Aldundiari. Horretarako, azpikontratazioaren baldintza nagusiak jakinarazi beharko dizkio, bai eta jardueraren burutzapena zein entitateekin hitzartuko duen ere.

4. Enpresak sustatzeko eta ekonomia garatzeko zuzendari nagusiak ebazpen baten bidez ebartziko du eskabide hori, bi (2) hilabeteko epearen barruan. Epe hori amaitutakoan ebazpen adierazirik eman ez bada, eskabidea ezetsizat joko da.

39. artikulua.— *Gastua kontratatze arauak*

1. Erakunde onuradunak obra-kontratuetan 40.000 euroko gastua baino handiagoa egin behar badu, edota hornidura-kontratuetan edo zerbitzu-kontratuetan 15.000 euroko gastua baino handiagoa egin behar badu, zerbitzua emateko edo ondasuna entregatzeko konpromisoa kontratatu aurretik, erakunde horrek gutxienez hiru hornitzaileen eskaintzak eskatu izana justifikatu beharko du. Baldintza hori ez da bete beharrik izango diruz laguntzeko gastuen ezaugarri bereziak direla-eta merkatuan ondasuna hornitzeko edo zerbitzua emateko nahikoa erakunde ez dagoenean, edota gastu hori diru-laguntza eskatu aurretik egin denean.

2. Emakumeen eta Gizonen berdintasunerako otsailaren 18ko 4/2005 Legean xedatutakoaren arabera, kontratazen diren jardueretan, honako hauek bete behar dituzte: lege horretan ezarritako printzipio orokorrak errespetatu behar dituzte entitateek, beren lanaren barruko estatistikak genero ikuspegiaren arabera egokitu beharko dituzte, ez dute hizkera sexistarik erabiliko eta emakumeen eta gizonen ordezkariak orekatua bermatu behar dute eratzten diren batzordeetan eta lan taldeetan.

40. artikulua.— *Ebazpena aldatzea*

1. Pertsona edo entitate onuradunak Enpresak Sustatzeko Zerbitzuari jakinarazi behar dio diru-laguntza emateko orduan kontuan hartu den edozein alderdi objektibo edo subjektibok aldaketarik izan badu.

2. Diru-laguntza ematen duen organoak diru-laguntza emateari buruzko ebazpena alda dezake, bere kabuz, interesdunari entzun eta gero eta funtsak erabili aurretik, diru-laguntza emateko kontuan hartu diren baldintzak aldatzearen ondorioz lortu nahi zen interes publikoa lortzea oztopatu edo eragozten denean eta pertsona edo entitate onuradunari kalte ekonomikorik ekartzen ez dienean.

3. Pertsona edo entitate onuradunak, diruz lagundutako jarduera egiteko epea amaitu baino lehen, Bizkaiko Foru Aldundiari eskatu ahal izango diote diruz lagundutako jardueraren ebazpenean aldaketa batzuk egin ahal izateko, hain zuzen, hauek: ezarritako epeak luzatzea, emandako zenbatekoa murriztea edo jarduera osatzen duten ekintzak aldatzea. Diru-laguntzen emailak baimenduko ditu aldaketok ustekabeko arrazoiengan edo jarduketaren xedearen onerako beharrezko arrazoiengan oinarrituta dardenean eta betiere diru-laguntzaren xedea edo helburua aldatzen ez bada eta beste inoren eskubideen kalterako ez bada. Nolanahi ere, beren beregiko ebazpenaren bidez egin beharko da.

4. Diru-laguntzaren pertsona edo entitate onuradunak aurkeztutako justifikazioan adierazten badu ebazpena aldatzea eragin zezaketen aldaketak egon direla diru-laguntza emateko orduan kontuan hartutako baldintzetan (eta ez bada egin aldaketak onartzeko aurretiazko administrazio-baimenaren izapidea), diru-laguntza eman duen organoak aurkeztutako justifikazioa onartu ahalko du; hala ere, horrek ez du salbuesten pertsona edo entitate onuraduna maiatzaren 31ko 5/2005 Foru Arauaren arabera izan ditzakeen zehapenetatik.



5. 1. arloan, entitate onuraduna lehendik dagoen entitate bat izan daiteke, enpresa edo gizarte entitate berritzaile berri bat sustatzen duena, eta burutzeko epean zehar, enpresa edo gizarte entitate berritzaile berria era daiteke. Halakoetan, erabat justifikatuta dago eratzten den enpresa edo gizarte entitate berritzaile berriari, diru-laguntza ematearen ondorioz, eskuratutako eskubide eta betebeharren subrogazioa ahalbidetzea.

Subrogazio eskabidea eredu normalizatua jarraituz aurkeztu beharko zaio entitate emaileari, honek gertatzen diren inguruabarrak aztertu ondoren, subrogaziorako baime-nari buruzko ebazpena eman dezan.

Subrogazioa onetsi ondoren, ez da beharrazkoa izango diru-laguntzen norgehiago-kako araubideko emakidarako eskabideen lehentasuna berriro aztertzea.

Diru-laguntza justifikatzeko, entitate onuradunaren izeneko zein subrogatutako entitatearen izeneko fakturak onartuko dira.

Subrogatutako entitateak ezarritako baldintzak bete beharko ditu, 1. arloko diru-laguntzen onuradunei dagokienez, eta, ondorio guztietarako, erantzulea izango da administrazio publikoaren aurrean.

41. artikulua.— Justifikazioa egiteko epea

1. Burututako gastuen dokumentazioa eta dagozkien fakturak eta ordainketa-agiriak aurkezteko azken eguna 2021eko urtarrilaren 31 izango da.

2. Justifikazioa ez bada ezarritako epean aurkezten, diru-laguntza itzultzeko eskatuko da, eta maiatzaren 31ko 5/2005 Foru Arauan ezarritako gainerako erantzukizunak ere eskatuko dira. Izan ere, foru arau horretan arautzen da Foru Administrazioak emaniko diru-laguntzen araubide juridiko orokorra.

42. artikulua.— Diru-laguntzak justifikatzeko era

1. eta 2. arloetarako diru-laguntzak 9. eta 16. artikuluetan ezarritakoaren arabera justifikatu beharko dira, hurrenez hurren.

VI. TITULUA

DIRU-LAGUNTZAK ITZULTZEA ETA ARAU-HAUSTE ADMINISTRATIBOAK

I. KAPITULUA

DIRU-LAGUNTZAK ITZULTZEA

43. artikulua.— Ez-betetzeak

Honako kasu hauetan, baldintzak ez direla bete ulertuko da: laguntzak jaso dituzten pertsonak edo onuradunak dekretu honetan, diru-laguntza emateko ebazpenean edo aplikatu beharreko gainerako arautegian ezarritako baldintzetako bat betetzen ez dutenean, bai eta Foru Administrazioak ematen dituen diru-laguntzen araubide juridiko orokorra ezartzen duen maiatzaren 31ko 5/2005 Foru Arauaren 33. artikuluan ezartzen diren kasuetan ere.

44. artikulua.— Diru-laguntza entitate onuradunak bere ekimenez itzultzea

1. Borondatezko itzulketa da pertsona edo entitate onuradunak berak, Administrazioaren inolako errekerimendurik gabe, egiten duena.

2. Borondatezko itzulketa egiten denean, Administrazioak dagozkion berandutze-interesak kalkulatu ditu, maiatzaren 31ko 5/2005 Foru Arauaren 34. artikuluan ezarritakoaren arabera eta pertsona edo entitate onuradunak itzulketa benetan egin duen unera arte.

3. Foru diru-laguntza pertsona edo entitate onuradunak berak itzultzeko, Bizkaiko Foru Aldundiaren eredu ofizialaren arabeko ordainketa-gutuna erabili behar du; gutun hori Ekonomi eta Lurralde Garapena Sustatzeko Sailean eskuratu ahal izango da (Oruetan Apezpikua kalea, 6, 48009-Bilbo).

**45. artikulua.— Ez-betetzeak mailakatzeko irizpideak**

1. Aldi berean beste laguntza batzuk jasotzearen ondorioz gehiegizko finantziarioa gertatzen bada —maiatzaren 31ko 5/2005 Foru Arauaren 18.3. artikuluan jasotako kasua—, behar denaren gainetik jasotako kopurua itzuliko da (kopuru horri dagokion berandutze-interesa ezarriko zaio).

2. Emandako diru-laguntzaren zenbatekoa eskatzaileak aurkeztutako aurrekontu baten gaineko ehuneko bat aplikatuta lortzen denez, behin betiko kostu osoa hasierako aurrekontua baino txikiagoa bada, honako hau itzuli behar da: hasierako aurrekontuaren gaineko ehuneko hori aplikatuta lortutako kopuruari behin betiko kostua kentzearen ondorioz finantziario publikoan sortutako soberakina.

3. Baldintzetako bat edo batzuk ez betetzeak edo epearen barruan jardueraren zati bat bakarrik egiteak (betiere, zalantza barik egiaztatzen bada onuradunak konpromisoak betetzeko asmoa duela) diru-laguntzaren zati bat bakarrik ordaintzea ekarriko du edo, hala badagokio, diru-laguntzaren zati bat itzuli behar izatea. Itzulketa hori kalkulatzeko, jarduera osotik hartutako zatiaren proportzio bera erabiliko da.

Justifikatutako gastua aurrekontuko gastua baino txikiagoa izateagatik itzultzeko espediente bat ebatzi bada, ebazpen hori pertsona edo entitate onuradunari eta entitate laguntzaileari jakinaraziko zaie, azken entitate horrek geratutako funtsak itzul ditzan. Kasu horretan, ez da interesik aplikatuko.

43. artikulua kasuetan, pertsona edo entitate onuradunak, hala badagokio, jaso dituen baina justifikatu ez dituen kopuruak eta haiei dagozkion berandutze-interesak itzuli beharko ditu.

4. Administrazioak eginiko egiaztapen edo finantza-kontrol baten ondorioz ikusten bada, eginiko gastuetako batzuk edo guztiak ordaindu gabe daudela, diru-laguntza jaso ondoren, eta hartzekodunek eskatzeko eskubidea dutela, itzulketa eskatuko da, proportzionaltasun-printzipioa aplikatuta. Kasu horretan, diru-laguntza jaso dezaketan egotzitako gastu guztietatik ordaindu gabeko gastuek osatzen duten proportzioaren arabera izango da diru-laguntzaren itzulketa.

II. KAPITULUA**ARAU-HAUSTE ADMINISTRATIBOAK DIRU-LAGUNTZEN ARLOAN****46. artikulua.— Zehapen-prozedura**

Foru Administrazioak ematen dituen diru-laguntzen araubide juridiko orokorra arautzen duen maiatzaren 31ko 5/2005 Foru Arauaren IV. Tituluan ezarritakoa bete beharko da.

Euskal Autonomia Erkidegoko Herri Administrazioen zigortzeko ahalmenari buruzko otsailaren 20ko 2/1998 Legeak xedatutako zehapen-prozedura aplikatuko da.

AZKEN XEDAPENAK**Amaierako Lehen Xedapena.— Arauen garapena**

Ekonomi eta lurralde garapena sustatzeko foru diputatuari ahalmena ematen zaio dekretu hau garatzeko beharrezkotzat jotzen dituen xedapen guztiak emateko, bai eta aurrekontuko diru-baliabideak amaitu ezean deialdi berriak egiteko eta subrogazio-eskabideak ebazteko ere.

Amaierako Bigarren Xedapena.— Aurrekontuko diru-hornidura

Deialdi honetan eman daitezkeen diru-laguntzak beheko aurrekontuko partida eta diru-horniduren kontura emango dira. Guztira, bi milioi eta laurehun mila euro (2.400.000,00 euro) dira, gutxi gorabehera, baina, kopuru hori alda daiteke, aurrekontuen arloan indarrean dagoen araudiaren arabera.

1. arloko aurrekontua, guztira, milioi bat ehun eta hirurogeita hamabost mila euro (1.175.000 euro) da, honelaxe banatuta:



Proiektu zk.: 2008/0215	
443.00/426.106/08/03	
Ekitaldia	Zenbatekoa (€)
2019	525.000
2020	125.000
GUZTIRA	650.000

Proiektu zk.: 2008/0215	
469.99/426.106/08/03	
Ekitaldia	Zenbatekoa (€)
2019	350.000
2020	175.000
GUZTIRA	525.000

2. arloko aurrekontuak, guztira, milioi bat berrehun eta hogeita bost mila euro (1.225.000 euro) da, honelaxe banatuta:

Proiektu zk.: 2008/0215	
443.00/426.106/08/03	
Ekitaldia	Zenbatekoa (€)
2019	635.000
2020	590.000
GUZTIRA	1.225.000

Aurrekontuei buruzko abenduaren 29ko 5/2006 Foru Arauaren testu bategina onesten duen abenduaren 3ko 5/2013 Foru Dekretu Arauemailearen 56. artikuluan xedatutakoaren arabera, dekretu hau aurretik izapidetzen da. Ondorioz, diru-laguntzak emateko, beharrezkoa izango da kreditu egokia eta nahikoa egotea arlo bakoitzeko eskabideak ebazten direnean.

Aurrekontuetako partidari esleitutako kopuruak gutxi gorabeherakoak dira. Onartzen diren eskabideen arabera —persona eta entitate onuradunak zein diruz lagundutako gastu taldeak era askotako izaera juridikotakoak izan daitezkeenez gero—, aurrekontuko partidei esleitutako baliabide ekonomikoak aurrekontuko kapitulu bereko beste partiden artean egokitu ahal izango dira eta jarduera arlo bien artean, eta horretarako ez da beharrezkoa izango dekretu hau aldatzea.

Horrez gainera, eskabide guztiak ebatzi ondoren aurrekontuaren gehieneko mugara heltzen ez bada, sobera geratutako zenbatekoa gastatzeko baimena ezeztatu egingo da, eta horretarako ez da beharrezkoa izango dekretu hau aldatzea.

Maiatzaren 31ko 5/2005 Foru Araua garatzeko diru-laguntzen erregelamendua onesten duen Bizkaiko Foru Aldundiaren martxoaren 23ko 34/2010 Foru Dekretuaren 41.2. artikuluan ezarritakoaren arabera, eskabideak aurkezteko epea amaitu baino lehen aldatu ahal izango dira aurrekontu-kredituak, Gobernu Kontseiluak onetsitako Foru Dekretu baten bidez, kontuan izanda zein den, aurreikuspenen arabera, eskatutako diru-laguntzen zenbateko osoa. Hala eginez gero, eskabideak aurkezteko epea luzatu beharko da.

Halaber, Bizkaiko Foru Aldundiaren martxoaren 23ko 34/2010 Foru Dekretuko 43. artikulua babespean (5/2005 Foru Araua garatzeko diru-laguntzen erregelamendua onesten du dekretu horrek), aurrekontuko zuzkiduren guztizko zenbatekoa areagotu ahal izango da, gehienez ere 600.000,00 euro gehituz, baldin eta eskuragarri dauden



kredituak areagotu badira kreditua handitzea onartu delako edo kreditua sortu edo gehitu delako edo baldin eta kopuru osagarri bat badago aurreko deialdietan aurkeztutako eskaeren zenbatekoa aurrez ikusitakoa baino txikiagoa izan delako, kasu horietan, kreditu osagarri hori soilik izango da eraginkorra baldin eta kreditu horren erabilgarritasuna adierazita badago. Adierazpen hori diru-laguntza emateko ebazpena eman aurretik egin beharko da. Organo eskudunak baimenduko du kopuru handitze hori.

Amaierako Hirugarren Xedapena. – Indarrean sartzea

Bizkaiko Aldizkari Ofizialean argitaratu eta hurrengo egunean jarriko da indarrean foru-dekretu hau.

Bilbon, 2018ko abenduaren 26an.

Ekonomi eta Lurralde Garapena
Sustatzeko foru diputatua,
IMANOL PRADALES GIL

Ahaldun Nagusia,
UNAI REMENTERIA MAIZ